

III. OUTRAS DISPOSICIÓNS**CONSELLERÍA DE EDUCACIÓN, CIENCIA, UNIVERSIDADES E FORMACIÓN PROFESIONAL**

ORDE do 25 de maio de 2026 pola que se modifica a autorización da Escola Familiar Agraria Piñeiral, de Arzúa (A Coruña).

A titularidade do centro Escola Familiar Agraria (EFA) Piñeiral, de Arzúa, solicita a modificación da autorización para impartir, na modalidade semipresencial-distancia, o ciclo formativo de grao superior CS Hixiene Bucodental e o CS Educación Infantil. O centro conta con autorización para impartir as ensinanzas solicitadas na modalidade presencial.

Logo da tramitación do expediente de acordo co establecido no Real decreto 659/2023, do 18 de xullo, que desenvolve a ordenación do Sistema de formación profesional, no Decreto 20/2026, do 9 de marzo, que establece a ordenación xeral da formación profesional do Sistema educativo de Galicia, no Decreto 133/1995, do 10 de maio, de autorización de centros docentes privados para impartir ensinanzas de réxime xeral non universitarias, e na Orde do 20 de setembro de 1995 que o desenvolve, por proposta da Dirección Xeral de Centros e Recursos Humanos,

DISPOÑO:**Artigo 1. *Modificación da autorización***

1. Modificar a autorización da Escola Familiar Agraria (EFA) Piñeiral, de Arzúa, e autorizar na modalidade semipresencial-distancia, o CS Hixiene Bucodental e o CS Educación Infantil. O centro queda configurado como se sinala a seguir:

Denominación: Escola Familiar Agraria (EFA) Piñeiral.

Código: 15020313.

Domicilio: Santa María, s/n.

Localidade: Arzúa.

Concello: Arzúa.

Provincia: A Coruña.

Titular: Federación de Escuelas Familiares Agrarias de Galicia.



2. Composición resultante

Modalidade presencial, réxime ordinario:

- CM Actividades Comerciais (2 unidades para 20 postos escolares cada unha).
- CM Coidados Auxiliares de Enfermaría (1 unidade para 20 alumnos).
- CM Panadaría, Repostaría e Confeitaría (2 unidades para 20 postos escolares cada unha).
- CS Anatomía Patolóxica e Citodiagnóstico (2 unidades para 20 postos escolares cada unha).
- CS Hixiene Bucodental (2 unidades para 20 postos escolares cada unha).

CS Educación Infantil (2 unidades para 30 postos escolares cada unha).

- CS Integración Social (2 unidades para 20 postos escolares cada unha).
- CS Márketing e Publicidade (2 unidades para 20 postos escolares cada unha).
- CS Xestión de Vendas e Espazos Comerciais (2 unidades para 20 postos escolares cada unha).

Modalidade semipresencial-distancia, réxime de persoas adultas:

- CM Coidados Auxiliares de Enfermaría (50 alumnos/as).
- CS Hixiene Bucodental (50 alumnos/as).
- CS Educación Infantil (50 alumnos/as).

Artigo 2. *Ordenación académica*

1. Ás ensinanzas autorizadas no artigo 1 desta orde na modalidade semipresencial-distancia aplicaráselles, en canto sexa axeitado á súa natureza, o previsto na Orde do 5 de novembro de 2010 pola que se establece, con carácter experimental, a ordenación da formación profesional inicial polo réxime para as persoas adultas na modalidade semipresencial-distancia.



2. O desenvolvemento dos módulos profesionais organizarase sobre a base da titoría individual e colectiva, que serán atendidas directamente polo profesorado de cada módulo. A titoría individual realizarase preferentemente de xeito telemático; a titoría colectiva terá carácter presencial coa intervención directa do profesorado, nas instalacións do centro docente, e conforme o artigo 12 da mencionada Orde do 5 de novembro de 2010, as horas semanais de dedicación á titoría colectiva para a realización por parte do alumnado das actividades programadas non poderá ser inferior ao enteiro igual ou inmediatamente superior ao 25 % das horas semanais que se establezan para cada módulo profesional.

A asistencia ás titorías presenciais nas instalacións do centro educativo terá carácter voluntario para o alumnado.

3. Ao longo do período lectivo correspondente, o profesorado de cada módulo profesional realizará un seguimento do desenvolvemento do proceso de ensino e aprendizaxe, utilizando para iso os instrumentos e os procedementos de recollida de información previamente establecidos na programación dos módulos, que deberán ser coñecidos polo alumnado.

A avaliación da aprendizaxe do alumnado será continua a través das actividades que se programen e harmonizarase con probas presenciais teórico-prácticas para cada avaliación parcial, de carácter obrigatorio para o alumnado, e axustadas aos resultados de aprendizaxe e aos criterios de avaliación dos currículos dos módulos profesionais. Ao finalizar o desenvolvemento de cada módulo, realizarase unha proba presencial final de carácter global. Esta proba terá que realizala o alumnado que non superase o módulo mediante as probas presenciais parciais que se realicen ao longo do curso.

4. O profesorado que imparta nas modalidades de semipresencial-distancia disporá das competencias necesarias para o manexo da plataforma de formación a distancia e para realizar o seguimento do proceso de ensino-aprendizaxe do alumnado.

Artigo 3. *Inicio da actividade*

Para a posta en funcionamento das ensinanzas que se autorizan, a Departamento Territorial da Coruña da Consellería de Educación, Ciencia, Universidades e Formación Profesional, logo do informe do Servizo Territorial de Inspección Educativa, aprobará expresamente a relación do profesorado que impartirá docencia nos devanditos ciclos, así como o equipamento.



Artigo 4. *Inscripción no Rexistro de Centros*

Esta orde dará lugar á correspondente inscrición no Rexistro de Centros da Comunidade Autónoma de Galicia.

Artigo 5. *Modificación da autorización*

O centro queda obrigado ao cumprimento da normativa vixente e a solicitar a oportuna revisión cando deba modificarse calquera dos datos que sinala esta orde.

Disposición derradeira primeira. *Recursos*

Contra esta orde, que esgota a vía administrativa, as persoas interesadas poderán formular recurso potestativo de reposición ante esta consellería, no prazo dun mes, contado a partir do día seguinte ao da súa publicación no *Diario Oficial de Galicia*, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas ou ben, directamente, recurso contencioso-administrativo no prazo de dous meses desde a mesma data, ante a Sala do Contencioso-Administrativo do Tribunal Superior de Xustiza de Galicia, de conformidade co artigo 46 da Lei 29/1998, do 13 de xullo, reguladora da xurisdición contencioso-administrativa.

Disposición derradeira segunda. *Entrada en vigor*

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 25 de maio de 2026

Román Rodríguez González

Conselleiro de Educación, Ciencia, Universidades e Formación Profesional

